

SARS E ETSA LETSHOLO LA TSHOHAYETSO POLOKELONG E SA NGODISWANG

Tshwane, 5 Motsheanong 2023 – Ditho tsa Ditshebeletso tsa Lekgetho tsa Afrika Borwa (SARS) mmoho le Ditshebeletso tsa Sepolesa sa Afrika Borwa (SAPS) ba bile le letsholo mane Vryburg, North-West maobane wa la 4 Motsheanong 2023, mme ba hapa tahi e seng molaong mmoho le disebediswa tse rafang bitkhoine tsa dimilijone tsa diranta.

Polokelo ena e ne e sebediswa ka tsela e seng molaong ho hokahanya disebediswa tse rafang khriptokharensi phepeelong ya motlakase wa toropo Ebile e ne e boela e sebediswa ho hlahisa mabotlolo a 14 617 a tahi e sa kgafisweng ya mabitso a tsebahalang mona lapeng.

Disebediswa tse rafang bitkhoine di ka ba le boleng ba ho fihla ho R10 million ha tahi ena yona e lohothwa ho ba ya boleng ba R3.8 million. Polokelo ena e ne kgabile ka disebediswa tsa sejwalejwale ho thusa bana ho phethahatsa diketso tse tsa bona tsa bonokwane. Ho na le molata a le mong ya ileng a tshwarwa. Diphuputso di ntse di tswela pele mme ho lebelletswe hore ho tshwarwe batho ba bang hape.

Khomishenara ya SARS Mong. Edward Kieswetter, o thoholeditse tshebedisano e ntseng e tswela pele e pakeng tsa SARS le SAPS ho tshwarweng bao ba ikemiseditseng ho etsa bonokwane. O boletse hore letsholo lena ke karolo ya qeto ya SARS ho nka mehato e matla kgahlano le balefalekgetho ba sa ingodisang empa ba etsa tsa kgwebo ka sepheo sa ho sireletsa beng ba dikgwebo tse molaong. “Tshebediso e mpe ya dileibole tsa ho se lefiswe dikgafa ka sepheo sa ho qoba ho lefa dikgafa tse lokelang ho leshwa mmoho le diketso tse ding tsa bonokwane tse fumanweng polokelong ena di nyatsa ikonomi ya rona mme tse di tla tjamelana le letsoho le matla la molao”.

Ho fumana lesedi le fetang lena, ka kopo ikopanye le SARSMedia@sars.gov.za